

Na osnovu člana 67. stav (3) tačka d) i člana 68. stav (3) Zakona o visokom obrazovanju Tuzlanskog kantona („Sl. novine TK“ broj: 7/16 i 10/16) i člana 130. Statuta Univerziteta u Tuzli, te Odluke Umjetničko-nastavnog vijeća Akademije dramskih umjetnosti Univerziteta u Tuzli broj: 02/1-4841/17 od 07.07.2017. godine, raspisuje se

K O N K U R S

za izbor i imenovanje dekana Akademije dramskih umjetnosti Univerziteta u Tuzli

I

Raspisuje se Konkurs za izbor i imenovanje dekana Akademije dramskih umjetnosti Univerziteta u Tuzli.

II

Za dekana Akademije dramskih umjetnosti može biti izabran kandidat koji ispunjava slijedeće **opće i posebne uslove.**

Opći uslovi:

- a) da je državljanin BiH,
- b) da je zdravstveno sposoban za obavljanje funkcije dekana Akademije,
- c) da pravosnažnom odlukom suda nije osuđen za krivično djelo ili privredni prijestup, što predstavljaju smetnju za imenovanje na dužnost dekana,
- d) da mu pravosnažnom odlukom suda nije izrečena mjera zabrane obavljanja poslova/dužnosti dekana,
- e) da se na njih ne odnosi član IX. 1., Ustava BiH

Posebni uslovi:

- a) da je izabran u naučno-nastavno, odnosno umjetničko-nastavno zvanje redovnog ili vanrednog profesora, na Univerzitetu u Tuzli,
- b) da je u radnom odnosu na Univerzitetu u Tuzli sa punim radnim vremenom,
- c) da poznaje (aktivno govori) najmanje jedan svjetski jezik,
- d) da nema funkciju u izvršnim organima političke partije ili organizacije koja je povezana sa političkom partijom i
- e) da nema privatni finansijski interes na Univerzitetu u Tuzli.

Dekan Akademije dramskih umjetnosti imenuje se na mandatni period od 4 (četiri) godine. Kandidat koji u toku mandata stiće uslove za penziju ne može biti izabran za dekana Akademije dramskih umjetnosti.

III

Uz **prijavu** na Konkurs kandidati su dužni priložiti, u **originalu ili ovjerenoj fotokopiji**, dokaze o ispunjavanju općih i posebnih uslova i to:

1. biografiju,
2. uvjerenje o državljanstvu BiH izdato nakon 17.06.2013. godine, u skladu sa tačkom a) općih uslova,
3. izjavu da pravosnažnom odlukom suda nije osuđen za krivično djelo ili privredni prijestup što predstavljaju smetnju za imenovanje na dužnost dekana, u skladu sa tačkom c) općih uslova,
4. izjavu da im pravosnažnom odlukom suda nije izrečena mjera zabrane obavljanja poslova/dužnosti dekana u skladu sa tačkom d) općih uslova,
5. izjavu da se na njih ne odnosi član IX. 1. Ustava BiH u skladu sa tačkom e) općih uslova,

6. odluku o izboru u naučno-nastavno odnosno umjestničko-nastavno zvanje na Univerzitetu u Tuzli, u skladu sa tačkom a) posebnih uslova,
7. uvjerenje da je u radnom odnosu u punom radnom vremenu na Univerzitetu u Tuzli
8. dokaz da aktivno govori najmanje jedan svjetski jezik, u skladu sa tačkom c) posebnih uslova (certifikat verifikovane škole stranih jezika/uvjerenje o položenom stranom jeziku na visokoškolskoj ustanovi),
9. izjavu da nema funkciju u izvršnim organima političke partije ili organizacije povezane sa političkom partijom, u skladu sa tačkom d) posebnih uslova,
10. izjavu da nema privatni finansijski interes na Univerzitetu u Tuzli, u skladu sa tačkom e) posebnih uslova.

Izjave iz tačke III podtačke 3, 4, 5, 9 i 10 moraju biti ovjerene kod nadležnog općinskog organa ili notara, a ostali dokazi iz tačke III moraju biti u originalu ili u fotokopiji ovjerenoj kod nadležnog općinskog organa ili notara.

Dokaz o ispunjavanju uslova iz tačke II podtačka b), općih uslova (ljekarsko uvjerenje o zdravstvenoj sposobnosti za obavljanje funkcije dekana), ne starije od 6 (šest) mjeseci, dužan je dostaviti naknadno samo kandidat koji bude izabran na navedenu funkciju, a prije zaključivanja ugovora o radu.

IV

Kandidat za dekana Akademije dramskih umjetnosti dužan je, uz prijavu na Konkurs dostaviti i **Program rada i razvoja Akademije dramskih umjetnosti za mandatni period**, u pisanoj i elektronskoj verziji (CD).

V

Prijave, sa svim potrebnim dokazima, dostavljaju se u roku od 15 (petnaest) dana od dana objavljivanja Konkursa u dnevnom listu „Oslobođenje“.

VI

Neblagovremene i nepotpune prijave neće se uzeti u razmatranje.

VII

Informacije o djelokrugu rada dekana Akademije dramskih umjetnosti dostupne su na WEB stranici Univerziteta u Tuzli www.untz.ba (akti/dokumenti-Statut; Pravilnik o unutrašnjoj organizaciji i sistematizaciji).

VIII

Prijave na Konkurs s potrebnim dokazima, dostavljaju se u zatvorenoj koverti na pisarnicu Univerziteta u Tuzli ili putem pošte, na adresu:

UNIVERZITET U TUZLI

- Konkursna komisija - uz naznaku "Prijava na Konkurs za izbor i imenovanje dekana, sa naznakom Akademija dramskih umjetnosti"

Ul. Dr. Tihomila Markovića broj 1. 75000 Tuzla.